




Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5703/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5703/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5703/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5703/A



ERYCI PVTEANI
BRVMA:
CHIMONOPAEGNION,
De Laudibus
HIEMIS,
Vt ea potissimum apud Belgas.
Accedunt
ANDR. VALERI
BREVES NOTAE,

*Imaginibus
Raph. Sadeleri
Illustratae.*

MONACI,
CIO IDC XIX.



VIRO NOBILI

DAVIDI FLORITIO,

RIQUEBOURG-TRIGAVLTO,

BARONI DE VIOLES

RYCIVS PVTEANVS

BRVMAM D. C. Q.

IN frigore æstum esse,
 Vir Nobilis & Clarissi-
 me, ipsi vel Scythæ sci-
 unt; animotalent, cæ-
 que injuriam agendo vincunt. At-
 que ego FLORIBVS nuper tuis, illis
 nunquam CASTIS ad carmen incalue-
 ram, cum adulta jam Hiems esset;
 eodemque mox impetu universam
 describere BRVMAM, & CHIMONO-
 æGNI OAMœnus esse conatus sum.
 Veris quidem, Æstatis, Autumnique

A 2 • Enco-

Encomia à viris olim, ac nuper d
ctis adornata: qui ad Gelu Mus
deduceret, prorsusque faceret Hi
males, nemo adhuc, quod sciam
existit. Neglectam igitur parten
& velut repudiatam suscepi, illar
quotidianis mortalium querelis d
risque obnoxiam. Simplici (& a
frigido) poëmatio, non homini gra
vem esse Brumam, sed hominer
Brumæ, adumbrare aggressus sum
Sitamen frigido, excusa: sic indica
ri potuit, quod fortassis non sati
aptè scribi. Verumenimverò, ita s
res habet. Postquam liberalitas Sc
renissimi Principis mei ALBERTI
Arcem Lovanientem, mecum esse
Parnassum voluit, è colle tam amœ
no, & domicilio tam augusto despi
cere, quicquid cæli rigor peccaret
quivi, ac propemodum ignorare.
Itaque dedi tempori, quod loco de
bebã, BRUMAMQUE velut benignam
celebravi


celebravi. Et cur in Poëta reprehendas, quod nemo unquam pictoti viro vertit? Hic annum, annique pares promiscuè imitatur, tantùmque coloribus audet, ut in ipsis tabulis anteisque, nunc frigus, nunc calorem, nunc mixtam ex his temperiem exprimat. Cùm omnia nive candida sunt. tamen umbram invenit; cùm vernant omnia, etiam odores pertingit; cùm calent omnia, ignem quoque penicillo accendit; plena denique maturitas sic exhibetur, ut decerpere velis & esse, quæ in æmulationem naturæ ingeniosa manus produxit. Inspice hæc miracula, & negabis quicquam pulchrius Hieme esse: nihil suavius, quàm in sterilitate amœnitatem, in senio florem, in frigore delicias invenire. Ad hunc fortassis modum, cùm aliorum de aliis anni Horis versus leges, in meis Hiemem amabis. Hiemem, sed ne-

A 3

cessariam

cessariam, negotiosam, salubrem,
utilem, formosam, lætam, atque
Genialem. Quod reliquum est, ta-
hic benignus, Clarissime FLORII
eris, quàm doctus, ingeniosus, fe-
cundus es: & qui optimum scribere
soles carmen, malum excusabis: qui
universum nobis annum Musarum
coloribus potes depingere, aliqui
in Hieme non diductum feres? E-
quidni dicam? familiarem velide
quoque Apollinem habes, quia fili-
um ejus Æsculapium tam felice
colis. Prorsus, magnum te Hygie
Myrtam esse, etiam liberius omne
prædicant; quia egregius esse Poëta
potuisti: magnum Themidis; qui
litterarum peritiam Suadámque ti-
bi vindicare. Hygiæ (nam suave est
tepetere,) & sic Magnis Principibus
AVRAICO & CONDÆO, quod opti-
mum est in vitâ humanâ, toties red-
dis: Themidis, & sic consiliis quoque
tuis

uis Magnorum fortunam tempe-
ras; sed bonis, sed prudentibus, sed
virtute & doctrinâ tuâ dignis. Vide
nunc igitur hanc BRVMAM, & qui ni-
hil in pectore habes frigoris, amoris
mei ignem ama. Tanquam non ri-
geat Hiems, mihi descripta est: cali-
dam esse affectus tuus
ostendet.



VIRGILIVS

LIBRO I. GEORGICORVM

Ad Argumentum

CHIMONOPÆGNI

velut præit.

FRigoribus parto agricola plerumq; fru-
untur,

Mutuâque inter se lati convivium curant.

Invitat Genialis Hiems curâsq; resolvit

Ceu pressâ cum jam portû tetigere carina

Puppibus & lati nauta imposuere coronas

Sed tamen & quernas glandes tunc strin-
gere tempus,

Et lauri baccas oleâmq; cruentâq; myrta.

Tûc gruibus pedicas, & retia ponere cervis

Auritosq; sequi lepores: tum figere damas


Stupea torquentê Balearis verbera fûde,

Cùm nix alta jacet, glaciem cùm flumina
trudunt.


CHIMO-



*Sic ludunt gelidæ lasciua negotia Brumæ;
Nam leui in glacie non decet esse grauem.*



CHIMONOPÆGNION.



Anguida, FLORITI celo pugnātibns

Austris

Cedit HIEMS, lentāsque ciens in prae-
lia vires,

Adverso positas quaerit sub cardine gentes,
Et gelidā regione Lares, à Sole relictos.
Sponte fugit, nostris nimium lassata querelis;
Qui tristem molles, pigram, generique sinistram
Dicimus humano; immemores quo munere terras
Exhilarit, niveoque sinu quæ gaudia fundat.
Hæc mihi dicturo, facilem largire favorem,
Si quid Phæbe potes: si duri tela rigoris
Paullisper pateris, blando exardescere verso
Incipiam: magnūsq; tuum FLORITIVS annū
Carminē nobiliore canet. FLORITIVS ille,
Aetas quem loquitur præsens, quem sera loquetur,
Et quotquot venient laudato frigore Brumæ.
Omnis habet, fateor, terras quo torqueat annus,
Humanūmq; genus: nihil omni parte serenum est.
Densis Ver pluviiis, sævisque caloribus Aestas,
Autumnus morbis mundum pallentibus urget.
Quicquid Hiems peccat, minus est: incōmoda pensat.
Sed Deus æternus, vasti cū tempora mundi
Conderet, atque suo vellet res ordine velvi,
Solis iter varium, totūque equalibus annū

Exiget

Exegit spatium; in se ut Natura redires
Sapius, utque suos repararet Phœbus honores,
Deficiens nascensq; sibi, calidamq; pererrans,
Nunc puer intonsus, vernaq; simul pater aure,
Nunc juvenis flammâq; potens, nunc luce virili
Maturus, tandêmque senex, lassusque labore
Concedens Hiemi, gelidâ perstrictus ab aurâ.
Canem veneror: nunc formosa capillis
Tollit Bruma caput, verum grandæva potestas,
Pax anni, unde olim Pacalia festa Quirini,
Temporis auspicium felix, eadêmque senectus:
Quâ, velut emenso spatio, natura quiescit,
Frigore tunc volucres, lentitunc frigore stertunt
Agri, tunc querula cessant convivia ranæ;
Desertisq; Ceres migravit in horrea glebis.
Picta jacet nivibus terra, & suspendit aratrum
Palo ruricola emeritum; jumenta quiescunt.
Est: igitur; dum rura coli concreta recusant,
Et lata & geniale Hiems, Hiemisque voluptas:
Ut totum impendat, totum sibi vindicat annum.
Tunc suave aucupium Faunus, suavesque Diana
Suggerit insidias, & cani prælia ruris:
Tunc sapit & piscis concretâ captus in unda:
Tunc juvat extracta dapibus discumbere mensa:
Tunc juvat & gelidi spumantia pocula Bacchi
Circumferre manu, madidâque catescere flammâ.
Nec veteres abeunt, Effuso Agnalia Circo,
Saturnique

turnique dies, & laeta Charistia fastis
 una dedit Latinis, fortunatasque Kalendas.
 Illata & genialis Hiems, Hiemisque voluptas.
 Nec tamen ignava est: urbemque scholamq; fatigas
 rigida sedulitas. Cui nesciat otia Musa,
 ulchrum in vigilat rebus: sic numine dextro,
 sens animusque vigent, curis melioribus apti,
 et studus; facilesque fluunt Permessidos undae.
 Mercurius Pallásque, mea tutela PALÆSTRÆ,
 umunt frigoribus vires, doctique Lycei
 parsam nobilitant famam. Quid singula narro?
 Et quid nota sequor? Requiescit colligit artes
 Bruma nova, extremū gelido Autumnū pede calcās
 Auræ reliquias calidae. Tunc pulchra juvenus
 undique concurrat, doctos haustura liquores
 Musarum, & Sophiæ; doctos haustura liquores
 Naturæ, Themidisque bonæ. Velut agmine factō,
 Sauromata veniunt, veniant Dacique Scythæq;
 MENTIS amore BONÆ succensi frigora quærūt,
 Quis caleant: veniunt jam culto ex orbe Britanni,
 Hispani, Ausonii, Galli, Germania multa,
 Atque mei veniunt gaudentes Marte Guberni.
 Et veniunt, cum sævit hiems, cum pulpita fervent;
 Frigore quæ fervent medio, frigentque calore.
 Ergo cum premit alta domos nix, atque pruinis
 Horrescunt silvæ, eximiâ pietate Magistri
 Grandia presenti subsellia numine scandunt,
 Gymnastique litant Genio: pia dogmata Patrum

Virtutēsq; frequens juvenūmq; virūmq; caterva
 Excipit. Ipse Deus loquitur, quid frigora possunt?
 Sed clari Themidos Mystæ pro more Latinas
 Auribus instillant leges, quæis publica constat
 Res hominum, quæis, lute procul, privata quiescat.
 Agmine tum solito Medicorum confluit ordo,
 Nec patitur steriles Asclepi arescere laurus.
 Quin ubi nunc passim suspensio membra theatro
 Corporis humani enodat, ferroque perito
 Persequitur sector venas Chirurgus & exta
 Inspicit (ars multum Grudiis optanda cathedris;)
 Sola tibi gelidæ capiuntur tempora Brumæ.
 Hos fidus sequitur cæli, terræq; marisque
 Mensor & interpret, qui docta voce Matheſin
 Explicat, & facilem radio percurrit arenam.
 Ad Sophiæ tandem florentem prælia pubem
 Virgo Minerva vocat: pugnant, frontēque pudicæ
 Ornati lauro, studiorum præmia libant.
 Sed cum ferventi mortales Sirius igne
 Conficit, atque Ceres maturis languet aristis,
 Labitur in partes varias jam lassæ juvenus;
 Limine Gymnasium clauso silet; omnia fringent.
 In mediis etiam nivibus, Brumæq; rigore
 Sudorem gnava inveniunt operæ, calet omnis
 Artificum fervetque domus: quin sanctior implet
 Tempia Deū pietas; sunt pulvinaria plura:
 Major Religio, fastis sollennia Festa.

Iurgia

gia solliciti adde fori: tunc plurimus ardor
didit causas, tunc & calidam locat iram
icrepus, rabidâque incendit praelia lite.
elia, sed damnum tamen, si plena vetusti
gestas juris vigeat, probitasque fidesque;
ere si paucis, quam disceptare velimus
ibus innumeris, & avaritie velut armis.
volumus, veterique novos molimur ab ævo
res, & solâ gelidi virtute calemus.
20 Astraea redit; nec jam fastidit inertes
vacuas scelerum in terris Hiemes: riget ipsa,
tis inconcussa suis, & pondere justis.
quia jam gelidos Musæ calor incutit artus,
m patiar reliquas Hiemis frigescere laudes.
rporis quid melius sano? hoc tibi Bruma serena,
oc boreasque bonum, gelidus largitur & æther.
efæcata nitet tellus, quia frigida: squallet
luvie, & fœdam exhalat calfacta mephitis.
olle gelida Austros Hiemi, Boreâq; calorem,
t Iovis Hiberni sepeat violentia; totum
uot morbi erucient annum? quo Parca furore
eviat! heu, densi pereant juvenesque senesque,
Tee spatiosa finis capiat tot fœdera tellus.
omnia tabescant, rerumque elementa recusent
Natura imperium, & fasalem sidera legem.
frigore stat magnus, stat parvus frigore mundus
is viget, & corpus, valideq; in corpore vires.

Quid

Quid? vitā dat Bruma homini, dat Bruma salutem
 Inspice natura reliquum; tenet omnia Bruma.
 Sol radiis parcat: siccatur frigore tellus,
 Post imbres pluviāsque putres mundantur, & omni
 Exsudant campi vitium, ceu frigore adusti.
 Frigore stant fluvii: sed postquam induruit unda,
 Per via fit plaustris, celerem modo passa carinam.
 Aeterno densata gelu stant culmina mundi,
 Sidereosque gerunt ignes, glaciēque revolvunt.
 Arderet caelum, rutilas nisi frigore flammās,
 Ceu freno premeret. Iovis haec est magna potestas.
 Iupiter est gelidus: lasas tamen igne medullas
 Extinguit Venere, & mox alget. Frigore numen
 Servat, prostituit numen violatque calore.
 Sic quoties celeri jaculatur flumina dextra,
 Ultrici indulgens ira, vim frigore sumit.
 Sol quoque tunc propior lucet, licet orbe remotus
 Obliquo, insinuet lentos radios, face terram
 Mansueta feriens. Nil jam vicinia ludit.
 Libratur geminus glaciali sidere vertex
 Aetherei mundi: fines telluris & unda
 Claudit Hyperboreos concretus frigore Pontus.
 Omnibus in rebus Brumam, frigusque gelique,
 Natura invenies nexum: sine frigore cuncta
 Dissiliant, primumque chaos morientia reddant.
 Frigore nos ipsi mortales, frigore vitam
 Extrahimus, pressoque foras emittimus ore

Pectoris

Toris impulsus frigus, spirante susurro,
 eris impulsus frigus, spirante susurro.
 Inerat acre gelu: sed strata funera silvæ
 solvunt Hiemem; collucent igne Penates.
 Lopus est calor; spirant penetralia Phæbum,
 parvo ferri Vulcanus carcere clausus,
 ntas transfundit vires, & mollia Veris
 mpora constituit. Sic auram industria vincit;
 e tepefacta fovent conclusum hypocausta vapores
 rato sufficit. membris riguisse suave est,
 i rursum caleas: non est jucundior æstas.
 An sterilis Bruma est? sed fœti temporis auram
 nducit. Sterilis? sed gignit. Frigoris arte
 pulchrum prodigium constat: crystallæ gelantur,
 uccineusq; liquor: flavam dant frigora gemmæ.
 Est glacies gemma; è glacie sibi mollis adoptat
 Luxuries cyathos, nec terrent frigora Bacchum.
 Pulchrior & glacies vitro est; vincitque lapillos
 Eoos niveo dependens stiria tecto.
 Ipse adamus glacies. omnique potentior igne est,
 Aut glacies adamus: melior, quia frigore mollis,
 Sexu, non genio: alter enim mas, alter Virgo est.
 Damna recensemus Brumæ: quis commodat nemo.
 Pigram dicit iners, tristem querulus; sibi quisque
 Quod culpet fingit. Non crescunt vina? bibuntur.
 Non matura tibi Pomona sub arbore ludit?
 Estur. Non tibi flava Ceres turgescit in arvis?

B

Horrea

Horrea condecorat, mundatur, & arte subacta
 Fit cibus. & laeta celebratur gloria mense.
 Non Zephyrus depingit humū? tamen aurea Flora
 In pictis ludit tabulis, ludisque capetis,
 Et superis Natura plagis velut aurea Flora est,
 Cum vario hibernum conspergit sidere calum.
 Namque polo lucent caelestes sidera flores,
 Et vincunt vernos caelestia sidera flores.
 Claudis Hiems pelagū? sed & improba vota coërcet.
 Merx aliena deest? quid tum? lascivia cessat.
 Attamen hibernis Pontum violare carinis,
 Grande nefas quondam: ferrum nos duximus a vo
 A nostro duri & thalyssem, nullamque timemus
 In pelago Brumam, nullos in gurgite fluctus.
 Aër quid laesus faciat? superavimus astra:
 Tempora quid faciant? totum confudimus annunt.
 Omne jacet magnis ventosi puppibus aquor
 Oceani domitum, & rostrato sternitur arc
 Spumæa Neptuni rabies; maris otia fœdum
 Pellit avaritia crimen: mors temnitur ipsa,
 Horridus insurgat Nereus cum gente marina,
 Carulemque fretum nimbosus turbet Orion;
 Ver agimus, fragilemque ratem stridentibus undis
 Objicimus, tanto nil moti turbine ponti.
 Infractio minus est animo quodcumque timetur:
 Ut nostras alienum Hiemes ducamus in orbem,
 Injustum Oceano nullum est; nec Bruma quiescit.
 Delicias

delicias dicam? blandum dant frigora luxum.
Idem gramineam ferventibus urget habenis
Ilurem, in pretio Bruma est, atque ære paratur.
Frigore tum multo inficimus vinumque dapésque
Querimur nimio languescere corpora Phœbo.
Nulla nulla placent, duro nisi cincta rigore
Difficilis, nec non alieno tempore Bruma.
Perverso petimus fugitiva gaudia vite
Mortales studio: matris vocésque vicésque
Naturæ violare bonas, sibi ducit honori,
Quisquis deliciis immersus agit, miserósque
Præcipitat sine lege dies, sine mente juventam.
Bacchus amat gelidas concreto frigore Nymphas,
Nec calet absque gelu: madidis defossa hypogæis
Nix glaciésque jacet; moritura, in luminis auram
Promitur hostilem, & stillat: sic rore liquente
Obsesti calices, hilarant convivium: lances
Et patinæ Brumamq; ferunt Hiememq; ministrant.
In vinum glacie ardescunt animi, nive flammam
Concipiunt roseam: multa glaciéque geluque
Mensarum ridet Genius: Sic frangitur æstas,
Et dulcis reparatur Hiems, Hiemisque voluptas.
Sed quoties ex Arce mea (atque meam meus esse
Princeps ille bonus voluit) camposque domosque
Urbis formosæ. & canâ gravidos nive colles
Contemplor, glaciéque pigrum cum fratre minore
Vicinoque Furâ Diliam, qui stagnat in arva;

Hei mihi, quàm recreor! Sic possum Veris amantem
Spernere delicias: non est formosior annus.
Fina placet facies Hiemis, Hiemisque voluptas.
Quid nive candidius? tam pulchro splendet amictu,
Et lascivit Hiems: acris; sed amoribus apta:
Cana quidem; lepidis tamen exoptata puellis.
Quæ niveum forma pretium, spumæq; colorem
Quarunt, & Veneris cupiunt albescere vultu.
Nix Venus est, divina Venus, sed frigida celo;
Quæ casti tutela tori, tutela pudoris,
Candida conjungit genialis fœdera lecti.
E spumâ Venus est, Aphrodite, mater amorum.
Aëris & celi nix spuma est: frigidus alio
Cum ningis, madidam desumat Iupiter iram.
Desumat, glaciemque poli demittit in alvum
Telluris gremium, dulciq; in sede quiescit.
An nive quid levius? sparsi sunt æthere flocci,
Plumeus estq; vapor; sed plumbum pondere vincit:
Incubat hæc quoties domibus vis, tecta fatiscunt.
Mollius an quicquam? sed duri marmoris omne
Ludunt ingenium facili formata labore
E nive signa, hominum, Heroûmq; deûmq; colossi.
Et ceræ ingenium ludunt: nam Sole liquecunt.
Omnia frigus habet: calidos sic ludit amores
Frigore septa Venus, Brumâque incendit amore.
Ad dominæ limen risus lenesque susurri
Horâ compositâ repetuntur; gaudia gliscunt.

Quos

Quos glacies lusus, & quæ spectacula donat!
 Hos iuvat Oebali jaculari pondera disci,
 E glacie moles: illos propellere Gracum
 Orbe trochum. Exercent alios ferulaq, pilaq,
 Malleus & teretis plumbo so robore clava.
 Hi cursu insolito faciles, soleasque secante
 Suppacti ferro, per marmoreos pede campos
 Pegaseo volitant: istas, jam non celer, alas,
 Talia Atlantiades cupiat talaria, Belgæ,
 Ingenio cedens, ferrato munera divum
 Aurea concedens ligno. Namque ulmea rostro
 Baxeæ procurvo erigitur, geminumque carinâ
 Conjungit mediâ latus, & compagine fixi
 Libratur ferri. Concretum acies arat æquor
 Obliqua; ut vomis glebam, grave robur aratri.
 Sed digitos, mediumque pedem, calcemq, recurrens
 Constringit lorum, plantisque immobile lignum
 Affigit. Pueri passim pueraq, gelatos
 His fluviis carpunt soleis, ferroque vehuntur:
 Et rectos cum posse neges consistere membris,
 Aut proferre pedem, currunt, glaciemq, patentem
 Remigio alterno superant, neq, crure fatiscunt.
 Non sic effusis sonipes festinat habenis,
 Atq, gradu præceps glomerat, cum pulvere certas:
 Non rapidi citius venti, celerésve sagittæ,
 Aut liquidum volucres diffindunt aëra pennis.
 Quid magis oblectet? Curvis pars magna feruntur

Lintribus & geminâ nitentes cuspide gressum
 Accelerant. Stimulata suo sic machina ferro
 Dirigitur, finditque viam, & vestigia linquit.
 Mirantur Superi, veniunt è rupibus udae
 Visum Nereides tanta hæc miracula rerum.
 Et timet Oceano (longæ sufrigora Brumæ
 Hunc quoq; congelacient) salis Neptunus ab undis
 Sed quia lintre scapham pueri juvenesq; biremem
 Fingunt, & teneros nimium labor occupat artus;
 Vota alij remis sociant, calûmque laceffunt.
 Et ventis animent cursum, vaga carbasæ tendunt
 Et plauastro dubites volitent, celerine carinâ;
 Terrâ, an aquâ; an suspensa feratur in aëre pennis
 Machina. Quid reliquû est? homini mox arte nega.
 Aethereum carpemus iter, calûmq; petemus. (t.
 Ludicra sic Belgæ diviso prælia catu
 Instituunt, regesque creant, pugnantq; sedentes,
 Productis pedibus: furor & violentia in istis.
 Victor agit, validum curru qui depulit hostem.
 Victor agit; sed quâ pugnavit lintre, triumphat.
 Hi glaciem oppugnant, & duræ vulnera crustæ
 Infigunt, manâtque liquor; gelidi unda cruoris
 Effluit, & stagnat. Latæm sic viscera clausi
 Gurgitis ejiciunt: ut quondam læsus equino
 Mons pede fudit aquas, Musis & Apolline clarus.
 Exsiliunt glacie fontes, fontesque bibuntur:
 Nam sitis in glacie est, calidûsque in frigore sudor.

In glacie est Phæbus; nascuntur frigore versus:
 Inq, meo Phæbo fortassis frigida vena est.
 Frigida, sed laudanda tamen, si Bruma placebit.
 Altis è nivibus nonnulli mœnia condunt:
 Pro quibus & pugnant: dicas sine frigore frigus,
 Castrorum speciem pelles fixæq, tabernæ,
 Et structi faciunt ignes. Miracula rursus:
 Ignis in glacie? & lucent. Si dicere fas est,
 In lulum veniunt veteris tentoria belli,
 Et Mars ipse venit; non Mars tamen ille cruentus,
 In nostras Hiemes qui longo sævit igne;
 Sed lenis, glaciæque rigens, canæque pruina
 Hispidus, & quæ nemo timet; quæ schemate pugna
 Urbibus in totis pueri, mistaq, puella
 Ludentes referunt. locus est & frigore fervet.
 In globulos coguntque nivem, jactûque minantur
 Vulnera, non faciunt; feriunt, feriuntur, & omnes
 Illesi tandem sua risu prœlia solvunt.
 Illesi, & madidi; non sanguine, sed nive multa.
 Omnia quid refero? quid læta munera pompe,
 Prisci delicias Circi, distincta colore
 Agmina? sunt Albi, Prasini, Rubei, Venesique.
 Sic anni partes, sic ipsa exordia mundi
 Quatuor, una tenet variatis Bruma figuris:
 Luditur & totus tibi mundus, luditur annus,
 Attamen hic quoq, pompa viget, pretiosa voluptas.
 Fictus mentitur trabea Lyciæque Chimæram

Bellerophon, Sphingémq; novam, formosa ferarum
Monstra: ferit glaciem niveis hîc Pegasus alis.
Desino jam nimia est, nec duratura voluptas.
Desino, Bruma fugit: tepidis nix solvitur Austris
Solvitur omne gelu. Quis calo pugnet iniquo?
Vim parat infestis vector Nephelēidos Helles
Cornibus: & Taurus, valida qui fronte minatur.
Vim parat & Zephyrus Borea mollissimus hostis;
Agmina sed numerosa trahens, densâsq; phalangi
Vesparum & culicum. Levioꝛe proboscide Musca
Auspiciuꝛ belli faciunt, gens sanguine cassa;
Sanguinis at sitiens, nullis arcenda flagellis.
Bruma fuge: ast ubi languidior converterit annuꝛ
Hora novuꝛ, tum Bruma redi, tua sceptrâ capeſſe
Noſtra tibi regio, noſter tibi ſerviet axis.

ANDREA

29
ANDREÆ VALERII


IN

ERYCI PVTEANI

CHIMONOPÆGNION

BREVES NOTÆ.

Poëmatii hujus *Ἰμναῖον*
CHIMONOPÆGNION.



*U*trum *Hiemis*] dixeris : quam me-
dus frigoribus Auctor scripsit.
Poëtarum autem labor velut lu-
sus quidam, præsertim in re non
seria, sæpè etiam in seria. Hinc *Ludere & Ca-
nere* familiare Poëtis. Ovid. iv. de Ponto
Eleg. viii.

*Nam modò bella geris, numeris quoq, bella coërces.
Quòdque alius opus est, hoc tibi lusus erat.*

Propertius libro II.

Par Aganippéa ludere docta lyra.

Martial. lib. X. Epigr. LXIV.

Pieridæ caneret cum fera bella tubæ.

B 5

Languida

Languida] Languidam longamque
Belgæ Hiemem illam experti : nam & N
jo mense ferè toto glaciem, grandinem,
vem videre frequentem licuit. Talem f
anno cio. cccc xlii. memorat in Ch
nico Massæus.

Qui tristem molles] Tristem Maro, Pigr
Naso vocat, alii duram, alii inertem.

Densis Ver pluvius] Virg. i. Georg.

----- cum ruit imbriferum Ver.

Et ii. Georg.

Vere tument terra, & genitalia semina poscunt.
Tum pater omnipotens facundis imbribus æther
Conjugis in gremium læta descendit.
Alibi Vdum Ver nominat.

Autumnus morbis] Autumnus morbis i
famis. Causa apud Hippocratem in Aph
rismis lib. iii. Aphor. ix. & xxi. duplex
quia inæquales tum dies, calidi, frigidi; qu
inæqualitas maximè nociva, ut tradit Ce
sus lib. i. c. iii. Ovid.

Cum modò frigoribus premimur, modò solvimur
Ære non certo tempore languor habet. (æst
Alibi inæquales Autumnos idem vocat. Al
causa, quia tunc corpora *καὶ χυμῶν* & m
lis humoribus obnoxia. Iuvenalis Sat. i.

----- jam latifero cedente pruinis

Autumno.

Hora

Horat. lib. II. Ode XIV.

*Austrà per Autumnos nocentem
Corporibus metuemus Ausirum.*

Idem lib. II. Sat. VI.

Autumnusque gravis, libitina quæstus acerba.

Quò spectat elegans Suetonii locus, Nero-
e cap. XXXIX. ait enim, unius autumnii
estilentia triginta funera millia in ratione
bitinæ venisse.

Solis iter varium] Faciunt loco huic illu-
trando Claudiani illa:

*Sol qui flammiferis mundum complexus habentia
solus inexhausto redeuntia sæcula motu.*



HIEMANTE CÆLO.

Et

Et Senecæ in Oedipo:

*Tūque ô sereni maximum mundi decus,
Bis sena cursu signa qui vario regis,
Qui tarda celeri sacula evoluis rotâ.*

Ejusmodi apud Poëtas passim obvia.

Nunc puer intonsus } Eleganter anni tem-
pora partitur, & ætatum discrimina notat.
Quod enim in ætatibus observatum, idem
ad anni etiam partes aptâ translatione trad-
uctum. Ovid. xv. Metamor.

*Nam tener & lactens, puerique simillimus avi
Vere novo, tunc herba recens, &c.*

Sed & in quaque anni parte ætatis quo-
que discrimen notes. Sic primo vere dixit
Maro, id quod Græci πῶτος & νέος ἐαρος.
Item πῶτος & νέος ἐαρινῆς & ὕστερος, apud
Pollucem: adulto vere Marcellinus. senescens
autumno, idem lib. xxi. Similes locutiones
bonæ, ac bonæ notæ scriptoribus usitate.
Apud Horatium

----- Ver proterit Aestas
interitura, simul
Pomifer Autumnus fruges effuderit; & mox
Bruma recurrit iners.

Canitiem veneror } Cana Hiems, aptū & fa-
miliare Hiemi epitheton. Virg. iii. Geo

----- Horrida cano
Bruma gelu.



*Tantum fragiferæ tres sunt e partibus anni,
Quarta nihil potuit gignere præ senio.*

Sie

Sic senescere Hiemem dixit in Catalectis Virgilianis Vitalis. Pulchrè Naso:

*Inde senilis Hiems tremulo venit horrida passu,
Aut spoliata suos, aut quos habet alba capillos,*

*Sed & ætati hiemem suam Latini tribunt. Plautus Trinummus Actu II. Sc. I. *Sine senectuti is acriorem hiemem parat. Exemplum Eratosthenis, qui senectutem vitæ hieme dicere solebat.**

*Pax anni, unde olim Pacalia } Ovidius:
Tura sacerdotes Pacalibus addite flammis,*

Almaq; perfusa victima fronte cadat.
Pacalia verò in honorem Pacis, cujus arar & statuam Augustus dedicavit, Agrippa perfecit. Dio lib. L V. Celebrata fuere pro pridie Kal. Febr. quemadmodum indicant Fasti Kalendares. Hinc Ovidius:

Ipsam nos carmen deduxit Pacis ad aram.

Hæc erit à mensis fine secunda dies.

*Temporis auspicium } Ianus apud Ovidium
I. Fast. v. 163.*

Bruma novi prima est, veterisq; novissima Solis,

Principium capiunt Phœbus & annus idem.

Et suspendit aratrum } Ovid. I. Fast. v. 665

Rusticus emeritum palo suspendit aratrum,

Omne reformidat frigore vulnus humus.

Villæ da requiem terræ, semente peractâ,

D.

Da requiem, terram qui coluere viris.

us agat festum.

est lata & genialis Hiems] Virg. i. Geor.

itas genialis Hiems, curasque resolvit.

nc Liberæ antiquitus ascripta erat Hi-

s. Liberam autem Deam Romani cum

erere & Libero consecrarunt. Ex Cerere

os Liberum & Liberam Cicero affirmat.

dendus Pighius in explicatione Toreu-

antis argentei, De quatuor anni partibus.



BRVMÆ TYPVS.

June

Tunc suave aucupium Faunus] *Faunus* e
agrestium Deorum (quales Panes, Silvan
Satyri, Sileni) genere, de quo Horat. II
Od. xviii.

Suavesque Diana suggerit insidias] *Optim*
in Hieme & per nives venatio. Virg. I. G
orgicorum:

*Tunc gruibus pedicas & retia ponere cervis,
A. ritosque sequi lepores: tum figere damas
Stupea torquentem Balearis verbera funda,
Cum nix alta jacer, glaciem cum flumina truden*
Horat. lib. I. Serm. II.

----- *leporem venator ut alia*
& nive sectatur.

Et lib. I. Od. xxxvii.

----- *accipiter velut*
Molles columbas, aut leporem citus
Venator in campis nivalis
Aemonie.

Diana verò venatrix credita, ac venationi
dea. Ovid. Epist. IV.

Quid juvat incincta studia exercere Dianæ
Et Metamorph. IV.

Per iuga, per silvas, dumosaque saxa vagatur
Nuda genu, vestem ritu succincta Diana,
Hortaturque canes.

Hanc & spicula eidem tribuit Flaccu
lib. III

Id. III. Od. xxviii.

----- *celeris spicula Cynthia.*

Varia à venationis studio nomina inventi; dicta Græcis κυνηγέτης, θηροκτόν, ἑλαφολά, ἢ ὄρεσίφοιτ, id est, *venatrix, feram interfecitrix, cervorum jaculatrix & monti-aga.* Oppiano in Cynogetico, aliisque, ἰοκαίρα, id est, τοξοφόρος, ἢ ἰὸς ἔχουσα, ἢ βέεσι χαίρουσα. auctor Hesichius. Denique canes ad venandum *Dianæ* sacri. Vnde *tur-
a Dianæ* Ovidio. Et Appuleius II. *Metam.* *Dianæ* simulacro canes jungit: *Lapis Parus in
Dianam factus, tenet libratam totius loci medieta-
m, signum perfectè luculentum, veste reflatum,
rocursu vegetum, intrò euntibus obvium. Canes
trimque secus deæ latera muniunt: qui canes &
si lapis erant.* Vide Gratium de Venatione,
& Claudianum de Laudibus Stiliconis li-
bro III. v. 261.

& cani prælia ruris] *Canis montes*, apud Virg.
Georg. Suprà sic: *Canitiem veneror.* Ne-
mesianus in Cynogetico venationes *securi
prælia ruris* nominat.

Tunc sapit & piscis, &c.] Ovid. III. Trist.
Eleg. x.

*Vidimus in glacie pisces hæere ligatos,
Sed pars ex illis tum quoque viva fuit.*

¶

Tunc

*Tunc juvat exstructâ] Virg. i. Georg.
Frigoribus parto agricola plerumque fruuntur,
Mutuâque inter se lati convivium curant.
Invitat genialis Hiems.*

*Effuso Agnalia circo] De his Naso lib. i.
Fast. v. 327. & in nomen inquit: quod
vel ab agendo, unde*

----- festum priscis Agnalia dictum,

Vna sit ut proprio littera dempta loco.

*Vel veriùs ἀπὸ τοῦ ἀγωνίας, quod
certamen & luctam significat. Ovid.*

Fas etiam, fieri solitis ætate priorum

Nomina de Ludis Græca tulisse diem.

Et prius antiquus dicebat Agonia sermo:

Verâque iudicio est ultima causa meo.

*Plura etiam Festus, Celebrata v. Eidus
Ianuarias.*

*Saturnique dies] Saturnalia, quibus à Sa-
turno nomen; à Iano origo, ut ex Horo at-
que Hygino tradit Macrobius, Saturnali-
um scriptor, lib. i. cap. vii. De die quo ce-
lebrare solita, idem suggeret cap. x. Apud
maiores nostros, inquit, Saturnalia die uno finie-
bantur, qui erat ad quartum decimam Calendas
Ianuarias. Sed postquam C. Cæsar huic mensi du-
os addidit dies, sexto decimo cœpta celebrari. Ha-
bes diem. An verò unus is tantum, plu-
resve*

ſive *Saturnalibus* dati? Apud veteres opinio fuit ſeptem diebus peragi *Saturnalia*. Alii per triduum dies hosce feſtos inſtitutos prodiderunt. Vnum verò diem tantum iisdem tribuunt alii, ad decimam quartam Calendas Ianuarias. Varietas omnis ex adjectis à Cæſare menſi huic diebus. Quo factum, ut trium dierum ſerías *Saturnalibus* edicto ſuo addixerit Auguſtus, à decimo ſexto igitur cœpta in xiiii. deſinunt, quo ſolo fieri antè conſueverant.

Et lauta Chariftia] Valerius Maximus lib. 1. Convivium etiam ſolemne majores inſtituerunt, & que *Chariftia* appellaverunt, cui præter cognatos & affines nemo interponebatur. Ovid. in *Fast.*
Proxima cognati dixere Chariftia patres,

Et venit ad ſocios turba novena deos.
 Græci εἰλαπίνῳ convivium illud vocant. Vnde εἰλαπινᾶς, id eſt, Συμπότης, Συδωχῆτης, ὁμοτεάπεζα, apud Heſychium.

Fortunatasque Calendas] Ianuarias innuit. Ovid. 1. *Fast.* ad Ianum:

At cur laeta tuis dicuntur verba Calendis,
Et damus alternas accipimusque preces?
 Tunc Deus incumbens baculo, quem dextra gerebat,
Omnia principiis, inquit, ineſſe ſolent.

Frigida ſedulitas] non quæ algere animos

ac languere faciat, sed quæ gnāvos gnārōs
que reddat: qui à frigore atque Hieme, si
temperata, vires capiunt. *Frigida* ergò *sedu-*
litas, non quæ talis; sed quæ in hieme ani-
mos occupat atque excitat, & teporem ab
æstu contractum discutit.

Permessidos unda.] *Permessus* sive *Permes-*
sus, Bootiæ fluvius, Musis & Phæbo sacer
ex Helicone ortum habet.

Gugerni] *Geldri*. Vulgò *Sugambri* pro iis
habiti.

Et ille suo Phæbo] *Phæbus*, quasi $\phi\acute{\omega}\varsigma$, *lucis*
vita. Creditur Medicinæ repertor. De Me-
dicinæ ergò Professoribus hic locus est, quæ
apud nos vini.

Hos fidus sequitur] *Matheseos* Doctor
Radius hîc Geometrica virga est, quæ & ter-
ræ & cœli, aërisve spatia metiri illi solent.
Virg. Ecl. 111.

Descripsit radio totum qui gentibus orbem.

Ad Sophia tandem] *Philosophos* innuit,
qui *Magisterii*, ut vocant, titulum ferre so-
lent, dum frigus est.

Sed cum ferventi mortales Sirius igne] *Sirius*
cùm pro stella ipsa, tum pro sole usurpatur.
Hesych. $\Sigma\acute{\iota}\rho\iota\varsigma$ ὁ ἥλιος, ἢ ὁ κυνὸς ἀστὴρ.
Nomen illi vel $\delta\alpha\pi\acute{\alpha}\sigma\tau\epsilon\rho\acute{\nu}$, iive $\tau\acute{\alpha}\sigma\tau\epsilon\rho\acute{\alpha}\nu$,
quod

quod lucere & siccare notat. Vide Hadria-
nium lib. i. Animad. cap. v.

Sunt pulvinaria plura] *Pulvinaria* lectuli
diis sacri, sterni soliti, quoties supplicatio
decreta iis esset. *Lectisternium* eadem notio-
ne usurpatum. D. August. libro iiii. de
Civitate Dei. Livius: *Curatum Lectisternium, &*
per triduum habitum Decemviris sacrorum curan-
tibus, & pulvinaria in conspectu fuere Iovi & Iu-
noni, alterum Neptuno & Minerva, tertium Mar-
ti & Veneri, quartum Apollini & Diana, quin-
tum Vulcano ac Vesta, sextum Mercurio & Cereri.
Appuleius lib. i v. *Sacra Dea proferuntur, tem-*
pla deformantur, pulvinaria proferuntur, carimo-
nia negliguntur.

Iurgia solliciti adde fori] *Pulcrè sollicitum*
vocat forum, quia sollicitos eos habet, qui
litibus irretiti in eo versantur. Pari elegan-
tiâ *insanum* vocat Maro; *litigiosum & verbo-*
sum Naso. iiii. Fast. Eleg. vii.

Cadunt verbosi garrula verba fori.
In eam rem scitè Auctor noster addit,

----- *rabidâque incendit praelia lite.*

Et fœdam exhalat calfacta mephitis.] Virgi.
vii. Æneid.

----- *sevamque exhalat opaca mephitis.* *Me-*
phitis terræ putor est, ex aquis maximè sul-

C 3

phureis

phureis proveniens. Alii Deum esse volunt
Deam alii. Vide Servium in Virgil.

Frigore stat magnus] parvus mundus mixto.
ἄνθρωπος. id est, homo.

Frigore stant fluvii] Horat. lib. i. Od. ix
Vide ut altâ stet nive candidum
Soraete. ----- geluque

Flumina consiterint acuto.

Avienus Fab. xxix.

Horrida congestis cum staret bruma pruinis.

Sed postquam induxit unda] Hilarius in
Catal. Virgil.

Duruit ut ventis unda, fit apta rotis,

Celerem modò passa carinam] Basilii in ca-
talectis Virgil.

Unda rotam patitur, celerem modò passa carinam.

In glaciem solidam versus ut amnis abis.

Virg. iii. Georg.

Concrescunt subita currenti in flumine crista

Undaque jam tergo ferratos sustinet orbes,

Puppibus illa prius patulis, nunc hospita plaustris.

Ovid. iii. Trist. Eleg. x.

Quaque rates ierant, pedibus nunc isur, et undas

Frigore concretas ungula pulsat equi.

Perque novos pontes subterlabentibus undis

Ducunt Sarmatici barbara plaustra boves.

Aeternò damnata gelu,] Alpes ac Pyrenæ-

os iii.

os intelligo mōtes. Illic Italiæ termini, perpetuis ferè albescent nivibus. atque hinc fortè illis nomen. Pyrenæi montes Hispaniam dividunt, & ἀπὸ τῆς πυρὸς, nomen habent, quòd crebri in iis fulminum ignes.

Arderet cælum] Paraphrasin locutionis hujus habet Manilius lib. v. in fine:

Ipse suas æther flammæ sufferre nequiret,

Totus & accensò mundus flaglaret Olympo.

Iupiter est gelidus.] *Frigus* Iupiter, si pro aëre sumas. Horat. lib. i.

----- *manet sub love frigido*

Venator.

Aliàs & *calidus*, si pro æthere cum Physicis accipias.

Sic quoties celeri] Quî *fulmen* & *fulgur* differant, Philosophi docent. Generationis atque originis eadem ferè in utroque causa, puta exhalatio calida & sicca, quæ elevata sursum ac vapor frigido inclusa constrictaque, vi viam quærit, & fragorem excitat.

Sol quoque tunc propior] Adeundi, & audiendi sunt Astronomi.

Sed strata funera silva dissolv. hiemē] Elegās locutio, fortè è Martialis illo lib. i. Epig. i. *Picina in ipsum silva descendit focum.*

*Et parvo ferri Vulcanus] Hypocaustum
describitur; cuiusmodi juxta Bibliothecan
suam Auctor construi curavit, & in que
Brumam hanc scripsit.*



*Quando suis agros perfundit aquarius vnnis
Perfundis dulci BACCHE, hypocausta mero.*

Crystalla

Crystalla gelantur] Statius Papin. lib. i.
il. in Epithal. stellæ v. 129.

Græque longævis nivibus crystalla gelari.

Crystallum enim glaciem esse certum est.
unde & græcum illi nomen, ὡς τὸ σέλλε-
ος ὑπὸ τῆς κρύου. Nec alibi reperitur, quàm
ubi maximè hibernæ nives rigent. Ita Plin.
lib. xxxvii. cap. ii. Paria tradit Isidorus
lib. xvi. Orig. c. xiii.

uelut aurea Flora est] *Florum Dea*, à qua
Floralia festa, Gr. ἀνθεστήρια. *Florere* verò de
cælo ac stella dicunt Græci ac Latini. Ele-
gāter quoq; *florere lumina* Lucretius lib. iv.
Bina lucernarum florentia lumina flammis.

Virg. propriè *stellare* vii. *Æneid.*

----- *stellantis regia celi.*

Plin. *stellantem bullis frontem* appellavit, Pul-
cer Lactantii locus est. lib. vi. De vero cul-
tu. *Ajunt enim multo esse præclarior, & homine*
dignius, cælum potius, quàm calata intueri, &
hoc pulcherrimum opus intermicantibus astrorum
luminibus, tanquam floribus adornatum, quàm
picta, & ficta, & gemmis distincta mirari. Simi-
lis Basilii locutio: Ἀπέλας δὲ ἔργον τῶν
ἀστέρων τὰ ἀνθ.

Claudit hiems pelagum] Virg. ii. Georg.
Rura gelu jam claudis hiems.

C

5

Manil.

Manilius lib. III.

Tunc riget omnis ager, clausum mare, cōditz castr.
 Claudatur verò navigantibus mare, idque
 ex die III. Eid. Novemb. usque ad diem
 VI. Eid. Martii; ut scribit Vegetius lib. IV.
 De re militari. Habet ergò & mare suam
 brumam. Horat. lib. II. Serm. 2. *Hiemat*
mare:

Acrum defendens pisces hiemat mare.

Aperitur mare, solutâ hieme. Horat. I.
 Ode IV.

Solvitur acris hiems gratâ vice veris & favori:

Trahuntque siccas machinae carinas.

Plinius: *Ver aperit navigantibus maria, cuius in*
principio Favonii Hibernum molliunt cœlum, &c.

Nullâmq; timemus in pelago brumam] Au-
 dax certè hodie nautarum illud genus, qui-
 bus in mari justitium nullum est. Sed nec
 apud priscos defuere, qui hieme navem
 mari crederent. Sophocles Antig. Actu 2.

Τῷ τοῦ πόλιος πέρον

Πόντος χειμεριῶ νότῳ

Χωρεῖ πειθευχίσι

Πτερόν ὡς οἰδμασι.

Ille (homo) canas aequoris undas

Obruensibus ratem

Fluctibus, transire aquas, dum

sevit

Savit notis hiems protervis.

Nimbosus turbet Orion.] Virg. i. *Æneid.*

um subito insurgens fluctu nimbosus Orion

In vada cæca tulit.

Orion, Catullo Oarion, inter tristia sidera, ad

occasum spectat, tempestatemque ciet.

dorat. Epod. xv. nautis infestus Orion. Vide

Linium lib. xviii. c. 28.

Frigore tum multo] Nihil hodie in aulis

sitatus. Nec priscis id ignotum, nive aut

lacie temperari ac frangi vini vim. Misce-

ant frigidam, interdum calidam, ne vini

calor frigusque noceret. Iuvenalis:

Quando vocatus adest calida gelidaque minister.

Glaciæque pigrum] Iulianus in *Catalectis*

Virgil.

Pigrior ut cano constitit unda gelu.

Lucanus lib. iv.

Pigro bruma gelu, siccis que Aquilonibus hærens.

Idem lib. v.

Tandem bruma nivem refert, pigrumque rigorem

Reddit Hiems.

Tibullus lib. i.

Non mihi pigra nocent hibernæ frigora noctis.

E spuma Venus est.] In fabulis est, Vene-

rem è maris spuma natam. Hinc Græcis

ἠφρογένεια, ἠφρογενής & ἠφροδίτη, Ἀφ' τῆς

τῆς

τῆ ἀφροδίτης γένεσιν. Et Aphrodisia festa, apud
Plautum in Pœnulo. Ovid. iv. Fastorum

Sed Veneris mensem Grajo sermone notatum

Auguror, à spumis est dea dicta maris.

Nec tibi sit mirum Græcorum nomine dici:

Itala nam tellus Græcia major erat.

Et iv. Metam.

*Si tamen in medio quondam concreta profundo
Spuma fui, gratumque manet mihi nomen ab illa*

Pulchrè Auctor Pervigilii Veneris,

---- *cruore de superno, ac spumeo pontis*

*è glorio **

* * *

*Aëris & cæli nix spuma est.] Aquæ pulve-
rem Simphosius vocat Ænigm. xxi.*

Pulvis aquæ tenuis modico cum pulvere lapsus.

In alnum telluris gremium] Lucret. lib. i.

Postremò percussant imbres, ubi eos pater ather

In gremium matris terræ præcipitavit.

Auctor Pervigilii Veneris.

----- *totis crearet vernis annum nubibus*

In sinum matris imber fluxit alma coniugis.

*Ludunt ingenium facili form.] Id istâ hie-
me anni clō lo c xv. Bruxellæ videre licu-
it non sine admiratione & stupore multo-
rum, quia pictores sculptorésque etiam co-
lores addiderant.*

Hos

Hos juvat Oebalii disci] Ovid. III. Trist.
leg. 12.

*us equis nunc est, levibus nunc luditur armis,
Nunc pila, nunc celeri vertitur orbe trochus.*

Propert. lib. III.

Missile nunc disci pondus in orbe rotat.

Martialis lib. XIV.

plendida cum volitent Spartani pondera disci,

Este procul pueri, sit semel ille nocens.

De Hiacynto loquitur, qui disci jactu ab
Apolline interfectus est, de quo Naso x.
Metamorph.

Hi cursu insolito] Pulcrè hîc depingitur
calopedium illud ferratum, quo dexteri-
rate & celeritate mira per glaciem feruntur.
Belgis nostris frequens huius est usus, qui
scærzen nominant, alii *schaverdynen*, qui-
dam *schrick schoen*, an non à Scriclandia?
Latinis certum nomen non est, quo id ex-
primant, quia Romanis incognitum fuit.
fortè à septentrione ad nos venit: nam &
apud loci illius incolas usum illius esse O-
laus Magnus auctor est. Noster *Baxeam* vo-
cat, quæ vox Plauto & Appulcio usurpata.
Liceat & *soleam ferratam* nominare. De *sole-*
is vidēdus Gellius lib. XIII. Noctium cap.
xx. Est verò *Baxeæ*, calceus ligneus, ex co-
rum

rum genere, quæis Philosophi prisci usi: Cælones Festo. Apuleius lib. 11. Metam, lumen quempiam amictulis intectum, pedesque palæmeis baxeis indutum. Lib. xii. Nec qui palli baculoque & baxeis, & hircino barbicio Philosophum fingeret. In Floridis: Vestem de texternemere, baxeas istas de suterna præstinare. Plautus Menach. Sc. Sine fores:

---- Quis is est peniculus, qui extergentur baxeas

Cæterum de crepidis illis sive calopodiis elegans elegantissimi Gratii distichon est:

*Quæ Batavum miratur hiems sola ferrea cernis
His per aquas nec aquas ire nec ire licet.*

Pulcre verò ad Ioan. Secundum fratrem, in Hispania degentem, de iisdem lusit Hadrianus Marius I. C. quem & audire hinc libet:

*Nunquid ubi aspecta est dubium te littera fecit
Picta manu trepidante, & curvo limite scandens
An vel sic quoque nota tui tibi dextera fratris,
Unanimi fratris; sine te qui vivere posset,
Nî semper primis tecum vixisset ab annis.
Si qua tamen dubio faller te littera ductu,
Non ea signa puta finiti morte doloris;
Frigoris esse puta, cursum hic quoq; flumina sistunt,
Et liquor in calamo, dum scribimus ista, gelatur,
Ne dum perdurent digiti, officiûmque faceffant.*

Nota

ota tibi refero, nisi nunc praesentia mentem
hducunt memorē, & patriam de corde revellunt.

Metamen interea nec acuti spiritus Euri
cludat tecto, aut Borea penetrabile frigus
ogat ad exstructas lentum torpescere flammās.
non urbs contineat; libet ire, & quærere circum,
ut baculo tentare, aut saxo cominus actō
rigore concretos annies, & ponere grossus
rystallo super instabiles, cum si qua ferendo
nda homini durata satis, nec grandine scabra,
Nec nivibus corrupta, nitet tranquillus uti fons,
Aut veluti speculum formosa laeve puella
Quod pendens aptè ad lucem, thalamiq; fenestram
Arguit incompertos & ponit lege capillos:

Expedio crepidas, ligno ferroque rigentes
Ancipiti ferro, quo durum inscribimus aequor,
Subjicioque pedi, & circum constricta supraque
vineta ligo, ne planta aliquo laxata vacillet,
Neu qua deflectant crepidæ, talūmq; relinquunt,
Inde, velut tensum quis inambulat arte rudentem,
Cui premitur pronâ subjecta novacula plantâ;
Sic gressus tenui nixos mucrone movemus,
Diversosq; pedes nunc hunc, nunc tendimus illum,
In latus, & trahimus longi vestigia ductu,
Alternasque notas alterno iungimus ense.
Est, ubi collectæ vires, imnota tenentes
Crura pedesque ambos, per longum labimur aequor.

Quam

Quam non præcipites bijugo certamine currus.
 Qualis ab excelsa testudine Chaonis ales
 Rura petens, plauditque alis, & verberat auras,
 Dein liquidum tacitis perlabitur aëra pennis.
 Quin etiam seu stare libet, gressumve referre
 Unde abitum, talos facili simul arte locamus,
 Diversosque pedum digitos, versique repente,
 Cum strepitu, latum per marmora ducimus orbem.
 Immenso velut in pelago deprensa carina
 Vertitur ad clavi nixum; tum limite longo
 Circulus apparet circum spumantibus undis.
 Nec solis ars nota viris; ars nota puellis
 Hac etiam, junctique volant per marmor amantes
 Aut si qua teneros ignorant ducere gressus
 Insistunt latis soleis, binosque prementes
 Sub pede mucrones, juvenis currentis in ulnis
 Immotæ stantes vertuntur, & æquora tranant.
 Ipse amor in medio fertur, tædâque coruscat,
 Quâq; volat mentesq; hominû colliquat, & æquor
 Sæpè aliquis juvenum glacie (quîs credat) in ipsa
 Inventos, abiens secum tulit inscius ignes,
 Quos non bruma rigens nivibus sopire gelique
 Possit, nec vastis extinguere Tethys in undis.
 Sunt etiam Nymphas qui se vidisse per umbram
 Ad Lunæ radios certantes flumine clauso
 Sic memorent, cursu plicidos imitante natatus,
 Hæcque olim Batavis autem monstrasse colonis.

Vnde

Inde etiam Crepidis nomen regionis adhæsit,
Rarâque iam Batavos ignorat terra cothurnos
Quos plana exercet per aquosas Flandria valles,
Et fecunda Brabantiacæ per flumina gentes,
Cimbrique, Morinque & gens infrena Sicambri
Et quoscunque premunt glacialis sidera plaustrî.

Fortè puer patrio & quondam sic lusit in Hebro,
Cujus suavidico celebravit carmine fatum
Ingenio duris que potens Germanicus armis.
Nam quis tam rapidum credat decurrere flumen
Illapsum, ut tantis impingat viribus ullum
In glaciem, adversam caput ut cervice revellat;
Ipse nisi ingenti impulsus sese objiciat vi.
Illum igitur quoque sic ut nos luisse putarim,
Et summis rapide connixum viribus isse
Prævertentem emissam arcu perinanè sagittam.
Cum subito glacie ruptâ subsidit, & actus
Impete in oppositam nudato gutture testam
Dividitur; partes fluvius celer abstulit imas,
Prolapsûmque caput glabro super æquore longè
Purpureum calido duxit de sanguine sulcum.
Infelix puer, & nimium temerarie, quanam
Te festinantem tenuit tam dira cupido,
Ut fluvio non sat durato insistere velles
Neu potius mallet non altâ ludere fossâ,
Aut prætè, exigua flumen quod texerat undâ
Exundans, facili que gelu duraverat aurâ?

Tu dabis exemplum nobis, audacia quanti
Constet, & ut maneat timidos longaeva senectus.
Sed quò diversum pueri miserabile fatum
Me rapuit, Germane, diemque educere fecit?
Ergò ubi nox grato iussit desistere ludo,
Sole cadente domum calidi, brumæq; malignæ
Ignari petimus; tum verò tendere gressus
Nequicquam lentos, & proreptare videmur,
Qualiter in somnis vani molimine cursus
Nitentem frustra exercent, genibusque labantem,
Quærentemque suo notas in corpore vires.
Hos ego te lusus patrios, germane, videre
Paullisper volui, & patriæ meminisse per illos
Ignotos istic lusus, ubi frigida nunquam
Stringit hiems undas, ubi semper Citrinus auro
Seat gravis, Herculeâ quondam sata semina dextrâ
Hesperidum è silvis occiso rapta dracone.

Baxeæ Batavicæ formam ne quis deside-
raret, hic expressimus; ut magis instrumen-
ti huius usum Lector miraretur.



HIS FLUMINA CALCANTVR.

Per marmoreos pede campos } Ovidius **III.**
Trist. Eleg. x.

Terrâque marmoreo est candida facta gelu.
Iterum :

inclusaq; gelu stabunt ut marmore puppes.

Talia Atlantiades } Mercurius Atlantis

nepos, Deorum præco atque interpres.

Horat. i. Od. x.

Te canam magni Iovis & deorum

Nuncium.

Hinc celer Horatio; velox, agilis, Deus ales,

D 2

Ovid.

Ovidio

----- *concretum acies arat aquor,*

Ovid. 1. Trist. Eleg. 11.

Latum, mutandis mercibus. aquor ara.

Curvis pars magna feruntur linteribus] Linter
inter fluviatiles naves est, à qua *Linterarii*
Vlpiano l. 1. D. Nautæ, cauponarii, &c. Fit
solâ excavatione arborum. Virg. 11. Geor.

----- *cavat arbore linteres.*

Atque hinc Plinio lib. v 1. *monoxile linteres.*
Auctor linterem pro parva & puerili accipit
traha, ferro suppecta, cujus in glacie usus
est. Forma talis esse solet.



SIC HIEME NAVIGATVR.

Sunt Albi, Prasini] In Circo factiones erant agitatorum bigariorum, ac quadrigariorum (ita appellati, qui bigas ac quadrigas circum Circi metas agitabant) quibus à vestium coloribus nomen. Erant *æ*nitio *Alba*, Hiemi ob nives candidas; *Rubra*, Æstati, ob solis ruborem, sacra. Accessere dein *Prasina*, terræ matri vel Veri; *Veneta*, cœlo & mari vel auctumno, devota. Ex Tertull. lib. de spectac. c. 1x. *Prasinus*, color viridis, unde *Prasina factio*, de qua Iuvenalis Sat. xi.

Tutam hodie Romam Circus capit, et fragor aurem Percutit, eventus viridis quo colligo panni.

Vide Sueton. Caio, c. lv. Nerone c. 28. Dionem in Commodò, Caracalla & Elagabalo: hi enim factione illa mirè delectati. *Venetus* color cæruleus. hinc *vestis veneta* Vegetio lib. iv. de re militari, Deditus factioni huic Vitellius, Sueton. ejus vita, c. xiv. Mirum, quanta contentione & insania factiones illæ agitarentur: atque ex iis frequentes rixæ, sæpè etiam cædes ortæ. Refert Zonaras regnante Constantinopoli Iustiniano Imp. tantam ibi ex factionibus *Prasina* ac *Veneta* ortam seditionem, ut quadringenta ferè hominum millia cecide-

D 3 rine

54 ANDREÆ VALERII NOTÆ.
rint. Vide Plinium lib. vii. cap. liii. Au-
sonium Edil. xiii. & Suidam in ἡπείρω.
Pector Nepheleidos Helles] Helle Athaman-
tis & Nepheles filia. Nomen dedit Helles-
ponto, quod fretum Europam ab Asia dis-
criminat. Vide Ovid.

----- *malè vecta virginis undæ.*
Propius facit ejusdem iii. Trist. El. xii.
Impositamque sibi qui non bene perculit Hellen
Tempora nocturnis aqua diurna facit.

F I N I S.


MONACHI,
Ex formis Annæ Bergiæ viduæ.





Cum gratia et privilegio Sacræ Cesar. Maiest.


Apud Raphaëlem Sadelerum Iconogra-
phum Ducalem venalis.

ANNO MD CXIX.









ps

1.11.11